

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINSKI SUD U BIHAĆU
Broj: 17 0 St 085978 17 St
Bihać, 22.02.2019.godine

Općinski sud u Bihaću, postupajući po stečajnom sudiji Aladinu Bajriću, povodom prijedloga predlagača: 1. Fatime Kekić iz Male Kladuše, 2. Asima Bećiragića iz Cazina, 3. Safeta Bašagića iz Cazina, predlagači pod 2. i 3. zast. po punomoćniku advokatu Mirzetu Kasiću iz Bihaća, 4. D.o.o „Bašo“ Velika Kladuša, 5. D.o.o. „D & G“ Velika Kladuša 6. „KR-PROMET“ Velika Kladuša, predlagači od 4.- 6. zast. po punomoćniku advokatu Fikretu Čelebiću iz Bosanskog Novog i 7. Aldina Šuvića iz Velike Kladuše da se nad imovinom pravnog lica D.D. „AGROKOMERC“ Velika Kladuša, ulica Trg Ahmeta Mržljaka br. 1., zast. po v.d. direktoru Mersadu Hamidoviću, otvori stečajni postupak, donio je dana 22.02.2019.godine, sljedeće:

RJEŠENJE

- I. Odbacuju se, kao nedopušteni prijedlozi Fatime Kekić iz Male Kladuše, Asima Bećiragića iz Cazina, Safeta Bašagića iz Cazina, D.o.o „Bašo“ Velika Kladuša, D.o.o. „D & G“ Velika Kladuša, „KR-PROMET“ Velika Kladuša i Aldina Šuvića iz Velike Kladuše, da se nad imovinom pravnog lica D.D. „AGROKOMERC“ Velika Kladuša otvori stečajni postupak.
- II. Po pravosnažnosti ovog rješenja izvršit će se upis brisanja zabilježbe otvaranja stečajnog postupka određen rješenjem ovog suda broj: 17 0 St 085978 17 St od 10.01.2019.godine i to: u registru Općinskog suda u Bihaću pod MBS broj: 1-334-00, te u Katastru općine Velika Kladuša i Zemljišno-knjižnom uredu Općinskog suda u Velikoj Kladuši, u Katastru Grada Cazina i Zemljišno-knjižnom uredu Općinskog suda u Cazinu i u Katastru Grada Sarajeva i Zemljišno-knjižnom uredu Općinskog suda u Sarajevu.
- III. Obavezuju se podnosioci prijedloga da dužniku nadoknade troškove postupka u iznosu 896,00 KM, u roku od 30 dana od dana pravosnažnosti ovog rješenja.
- IV. Odbija se kao neosnovan zahtjev dužnika za naknadu troškova postupka preko dosuđenog iznosa.

Obrazloženje

Rješenjem ovog suda broj: 17 0 St 085978 17 St od 10.01.2019. godine, otvoren je stečajni postupak nad imovinom pravnog lica D.D. AGROKOMERC Velika Kladuša.

Postupajući po žalbi stečajnog dužnika Kantonalni sud u Bihaću donio je dana 31.01.2019.godine rješenje kojim je uvažio žalbe stečajnog dužnika, prvostepeno rješenje ukinuo i predmet vratio prvostepenom sudu na ponovni postupak.

Postupajući po uputama Kantonalnog suda u Bihaću datim u naprijed citiranom rješenju sud je odlučio kao u izreci rješenja, iz sljedećih razloga:

Zakonom o finansijskoj konsolidaciji privrednih društava u F BiH („Sl. novine F BiH“ br. 52/14 i 36/18) propisano je:

Član 1. stav 2.

U pogledu pitanja koja uređuju ovaj Zakon i propisi doneseni na osnovu ovog Zakona imaju značaj posebnih propisa u odnosu na ovo drugo pravo koji na teritoriji Federacije BiH uređuju ista pitanja kao opći propisi.

Član 9. stav 1.

U toku postupka finansijske konsolidacije ne mogu se pokrenuti postupci prinudne naplate potraživanja nad imovinom društva sa većinskim učešćem državnog kapitala koji se konsolidira.

Član 8. stav 3.

Odlukom iz stava 1 ovog člana bliže se uređuje postupak i vrijeme trajanja finansijske konsolidacije za svako pojedino društvo sa većinskim učešćem državnog kapitala, s tim da postupak finansijske konsolidacije ne može trajati duže od 10.07.2019.godine.

Kako iz naprijed citiranih odredaba Zakona o finansijskoj konsolidaciji privrednih društava F BiH jasno proizilazi da se u postupku finansijske konsolidacije ne mogu pokrenuti postupci prinudne naplate potraživanja, a u koje postupke kao generalna egzekucija nad imovinom stečajnog dužnika spada i sprovođenje stečajnog postupka, to je valjalo i odlučiti kao u izreci rješenja pod I.

Imajući u vidu da su rješenjem o otvaranju stečajnog postupka određeni upisi tog rješenja u javne registre, to je valjalo i odlučiti kao u izreci rješenja pod II, a u skladu sa članom 19. Zakona o stečajnom postupku.

Odluku o troškovima postupka sud je donio u skladu sa odredbama člana 386. stav. 1. i člana 396. stav. 1. Zakona o parničnom postupku, a u vezi sa članom 8. Zakona o stečajnom postupku.

Dužniku su dosuđeni troškovi za sastav žalbe po punomoćniku - advokatu, u skladu sa Tarifom o nagradama i naknadama troškova za rad advokata u F BiH u iznosu od 896.00 KM (član 12. i član 15. Tarife, a u vezi odredbom člana 31. stav 5. Zakona o advokaturi F BiH), a zahtjev dužnika preko dosuđenog iznosa odbijen je kao neosnovan s obzirom da je isti ispostavljen suprotno naprijed citiranim odredbama Zakona o advokaturi F BiH.

Putka o pravnom lijeku:

Protiv ovog rješenja dozvoljena je žalba.
Žalba se podnosi Kantonalnom sudu u Bihaću

u roku od 8 dana od dana prijema pismenog otpravka rješenja



Stečajni sudija,
Aladin Bajrić